

又方朱砂雄黃各一兩鬼臼商草各半兩巴豆四十枚去心皮蜈蚣兩枚搗蜜和丸服如小豆不得下服二丸亦長將行之姚氏燒髮灰熬杏仁紫色分等搗如脂猪脂和酒服梧桐子大日三服差

又有華陀狸骨散龍牙散羊脂丸諸大藥等並在大方中及成帝所受淮南丸並療疰易滅門女子小兒多注車注船心悶亂頭痛吐有此癩者宜辟方

車前子車下李根皮石長生徐長卿各數兩分等麤搗作方囊貯半合繫衣帶及頭若注船下暴慘以和此共帶之又臨人船刻取此船自燒作屑以水服之

道藏輯要

肘後備急方

西

虛集十

附方

子母祕錄治口注燒亂髮如雞子大爲末水服之差

食醫心鏡主傳尸鬼氣咳嗽疰瘕注氣血氣不通日漸羸瘦方桃仁一兩去皮尖杵碎以水一升半煮汁著米煮粥空心食之

治卒心痛方第八

治卒心痛桃白皮煮汁宜空腹服之

又方桂末若乾薑末二藥並可單用温酒服方寸匕須臾六七服差

又方驢矢絞取汁五六合及熱頓服立定

又方東引桃枝一把切以酒一升煎取半升頓服大效

又方生油半合溫服差

又方黃連八兩以水七升煮取一升五合去滓溫服五合每日
三服

又方當戶以坐若男子病者令婦人以一杯水以飲之若婦人
病者令男子以一杯水以飲之得新汲水尤佳又以蜜一分
水二分飲之益良也

又方敗布裹鹽如彈丸燒令赤末以酒一盞服之

又方煮三沸湯一升以鹽一合攪飲之若無火作湯亦可用水
又方閉氣忍之數十度并以手大指按心下宛宛中取愈

道藏輯要

肘後備急方

五

虛集十

又方白艾成熟者三升以水三升煮取一升去滓頓服之若爲

客氣所中者當吐出蟲物

又方苦酒一杯鷄子一枚著中合攪飲之好酒亦可用

又方取竈下熱灰篩去炭分以布囊貯令灼灼爾便更番以熨

痛上冷更熬熱

又方蒸大豆若煮之以囊貯更番熨痛處冷復易之

又方切生薑若乾薑半升以水二升煮取一升去滓頓服

又方灸手中央長指端三壯

又方好桂削去皮搗篩溫酒服三方寸匕不差者須臾可六七
服無桂者末乾薑佳

又方橫度病人口折之以度心厭下灸度頭三壯

又方畫地作五行字撮中央土以水一升攪飲之也

又方吳茱萸二升生薑四兩豉一升酒六升煮三升半分三服

又方人參桂心梔子擘甘草炙黃芩各一兩水六升煮取二升

分三服奇效

又方桃仁七枚去皮尖熟研水合頓服良亦可治三十年患

又方附子二兩炮乾薑一兩搗蜜丸服四丸如梧子大日三

又方吳茱萸一兩半乾薑淮上桂心一兩白朮二兩人參橋皮

椒去閉口及子汗甘草炙黃芩當歸桔梗各一兩附子一兩

半炮搗篩蜜和爲丸如梧子大日三稍加至十九十五丸酒

道藏輯要

肘後備急方

夫

虛集十

飲下飯前食後任意效驗

又方桂心八兩水四升煮取一升分三服

又方苦參三兩苦酒升半煮取八合分再服亦可用水無煮者

生亦可用

又方龍膽四兩酒三升煮取一升半頓服

又方吳茱萸五合桂一兩酒二升半煎取一升分二服效

又方吳茱萸二升生薑四兩豉一升酒六升煮取二升半分爲

三服

又方白雞一頭治之如食法水三升煮取二升去雞煎汁取六

合內苦酒六合入眞珠一錢復煎取六合內末麝香如大豆

二枚頓服之

又方桂心當歸各一兩梔子十四枚搗爲散酒服方寸匕日三五服亦治久心病發作有時節者也

又方桂心二兩烏頭一兩搗篩蜜和爲丸一服如梧子大三丸漸加之

暴得心腹痛如刺方苦參龍膽各二兩升麻梔子各三兩苦酒五升煮取二升分二服當大吐乃差

治心疝發作有時激痛難忍方真射菌吳茱萸分等搗末蜜和丸如麻子服二丸日三服勿喫熱食

又方灸心鳩尾下一寸名巨闕及左右一寸並百壯又與物度

道藏輯要

肘後備急方

七

虛集十
川上又

頸及度脊如之令正相對也凡灸六處

治久患常痛不能飲食頭中疼重方烏頭六分椒六分乾薑四分搗末蜜丸酒飲服如大豆四丸稍加之

又方半夏五分細辛五分乾薑二分人參三分附子一分搗末苦酒和丸如梧子大酒服五丸日三服

治心下牽急懊痛方桂三兩生薑三兩枳實五枚水五升煮取三升分三服亦可加朮二兩膠飴半斤

治心肺傷動冷痛方桂心二兩猪腎二枚水八升煮取三升分三服

又方附子二兩生薑一兩蜜丸服四丸如梧子大日三服

治心痺心痛方蜀椒一兩熬令黃末之以狗心血丸之如梧子服五丸日五服

治心下堅痛大如碗邊如旋柝名爲氣分飲水所結方枳實七枚炙朮三兩水一斗煮取三升分爲三服當稍軟也

若心下百結積來去痛者方吳茱萸末一升真射菌如彈丸一枚合搗以雞子白和丸丸如小豆大服二丸卽差

治心痛多睡似有蟲方取六畜心生切作十四瓣刀縱橫各割之以真丹一兩粉肉割中旦夕吞之入雄黃射香佳

飢而心痛者名曰飢疝龍膽附子黃連分等搗篩服一錢七日三度服之

道藏輯要

肘後備急方

六

虛集十
川也

附方

藥性論主心痛中惡或連腰臍者

鹽如雞子大青布裏燒赤內酒中頓服當吐惡物

拾遺序延胡索止心痛末之酒服

聖惠方治久心痛時發不定多吐清水不下飲食以雄黃二兩好醋二升慢火煎成膏用乾蒸餅丸如梧桐子大每服七丸

薑湯下

又方治九種心痛妨悶用桂心一分爲末以酒一大盞煎至半盞去滓稍熱服立效

又方治寒疝心痛四肢逆冷全不飲食用桂心二兩爲散不計

時候熱酒調下一錢匕

外臺秘要治卒心痛乾薑爲末水飲調下一錢

又方治心痛當歸爲末酒服方寸匕

又必效治蝟心痛熊膽如大豆和水服大效

又方取鰻鱺魚淡炙令熟與患人食一二枚永差飽食彌佳

經驗方治四十年心痛不差黍米淘汁溫服隨多少

經驗後方治心痛薑黃一兩桂穰三兩爲末醋湯下一錢匕

簡要濟眾治九種心痛及腹脇積聚滯氣筒子乾漆二兩搗碎

炒煙出細研醋煮麵糊和丸如梧桐子大每服五丸至七丸

熱酒下醋湯亦得無時服

道藏輯要

肘後備急方

充

虛集十

姚和眾治卒心痛郁李人三七枚爛嚼以新汲水下之飲溫湯

尤妙須臾痛止卻煎薄鹽湯熱呷之

兵部手集治心痛不可忍十年五年者隨手效以小蒜醃醋煮

頓服之取飽不用著鹽

治卒腹痛方第九

治卒腹痛方書舌上作風字又書紙上作兩蜈蚣相交吞之

又方搗桂末服三寸匕苦酒人參上好乾薑亦佳

又方粳米二升以水六升煮二七沸飲之

又方食鹽一大把多飲水送之忽當吐卽差

又方掘土作小坎水滿坎中熟攪取汁飲之